

玉

海

十二

玉海卷第二十二

浚儀王應麟伯厚甫

地理

河渠

唐龍門渠 廣濟渠 利人渠 涑水渠

延化渠

地理志同州韓城有龍門山武德七年治中雲得臣

自龍門引河漑田六千餘頃

會要武德七年四月九日同州治中雲得臣開

渠自龍門引黃河漑田六十餘頃

陝州陝縣有南北利人渠南渠貞

觀十一年太宗東幸使武侯將軍邱行恭開有廣濟

渠武德元年陝東道行臺金部郎中長孫操開引水

入城以代井汲

傳陝州城中無井人勤於宿州虹縣汲操醞河入城百姓利安

有廣濟新渠開元二十七年採訪使齊澣開自虹至

淮陰北十八里入淮以便漕既成湍急不可行遂廢

傳以淮至徐城險鑿渠十八里入青水人便其漕

河中虞鄉北十五里有涑

水渠貞觀十七年刺史薛萬徹開自聞喜引涑水下

臨晉趙州昭慶城下有澧水渠儀鳳三年令李元開

以溉田通漕夏州朔方貞觀七年開延化渠引烏水

入庫狄澤溉田二百頃

舊紀貞元七年八月庚戌劍夏州奏開延化渠云云

州陰平西北二里有利人渠引馬閣水入縣溉田龍

朔三年令劉鳳儀開寶應中廢後復開景福二年又廢

唐黎陽新河

懷州新河

地理志衛州黎陽有新河元和八年觀察使出弘正及鄭滑節度薛平開長十四里闊六十步深丈有七尺決河注故道滑州遂無水患懷州修武西北二十里有新河自六真山下合黃母泉水南流入吳澤陂大中年令杜某開

德州平昌有馬頰河久視元年開

號新河

會要元和八年十二月魏博觀察使田弘

正奏準詔開衛州黎陽縣故黃河道從薛平之請也

先是滑州多水災平詢諸將吏得古河道於衛州黎陽縣界遣從事裴弘泰以水患告於弘正請開古河用分水力弘正上聞詔許之乃於鄭滑召徒萬人鑿古河決舊河以王新河詔並褒美薛平傳始河溢瓠子東泛滑距城纔二里所平按求故道出黎陽西南遣從事裴弘泰請弘正弘正許之乃籍民田所當者易以他地疏道二十里以醴水悍還墾田七百頃於河南自是滑人無患漢志黎陽注晉灼曰黎山在其南河水經其東其山上碑云縣取山之名

唐直河

地理志泗州盱眙有直河太極元年敕使魏景倩引淮水至黃土岡以通揚州

唐張甲河

地理志貝州經城西南四十里有張甲河神龍三年

姜師度因故瀆開

漢志在清河郡信成首受屯氏別河東北至蓼入漳水

唐疏嘉陵江通漕汶江漑道

地理志興州長舉元和中節度使嚴礪自縣而西疏嘉陵江二百里焚巨石沃醯以碎之通漕饋成州戍兵

泉州晉江縣北一里有晉江開元二十九年別駕

趙順政鑿溝通舟楫彭州九隴武后時長史劉易從

決唐昌施江鑿川派流合壩口垠岐水溉九隴唐昌
田民爲立祠

柳宗元興州江運記自長舉而西導
江而下二百里而至隨山之曲直以休人力順地之
高下以殺湍悍決壅土疏導江濤萬夫呼抃莫不如
志雷騰雲奔百里一瞬旣會旣遠澹爲安流烝徒謳
歌枕卧而至戍人無虞專力待寇 高儉傳進益州
長史秦時李冰導汶江水灌田瀕水者頃千金民相
侵冒士廉附故渠所引旁出以廣溉道人以富饒
宋朝興國三年七月遣麴紹浚嘉州江置斗門節水

唐長安漕渠 運木渠

地理志京兆府長安大曆元年尹黎幹自南山開漕渠抵景風延喜門入苑以漕薪炭 會要永泰二年

卽大曆元年

七月十日鑿運水渠自京兆府直東至薦福

寺東街北至國子監東至子城東街正北逾景風門延喜門入于苑闊八尺深丈餘京兆尹黎幹奏 黎幹傳遷京兆尹以治稱京師苦樵薪乏幹度開漕渠興南山谷口尾入于苑以便運載帝爲御安福門觀之幹密具刪船作倡優水嬉冀以媚帝久之渠不就

唐長安西市潭

地理志京兆長安天寶二年尹韓朝宗引渭水入金

光門置潭于西市以貯材木 會要置潭於西市之

街 餘同志

韓朝宗傳分渭水入金光門匯爲潭以

通西市材木

唐陵陽渠

食貨志建中初宰相楊炎請置屯田于豐州發關輔民鑿陵陽渠以增漑京兆尹嚴郢嘗從事朔方知其利害以爲不便疏奏不報郢又奏五城舊屯其數至廣以開渠之糧貸諸城約以冬輸又以開渠工直市給田者據估轉穀如此則關輔免調發五城田闢比立浚渠利十倍也時楊炎方用事郢議不用而渠亦

不成 會要建中三年四月宰相楊炎請於豐州置

屯田發關輔人開陵陽渠

云云

楊炎傳請開豐州

陵陽渠發畿縣民役作渠卒不就

嚴郢傳炎請鑿

陵陽渠郢奏發二京關輔民浚豐渠營田擾而無利

地理志豐州九原有陵陽渠建中三年浚之以溉

田置屯尋棄之

唐靈渠

地理志桂州理定

今興安

西十里有靈渠引離水故秦

史祿所鑿後廢寶曆初觀察使李渤設斗門十人以

通漕俄又廢咸通九年刺史魚孟威以石爲鐔隄互

四十里植大木爲斗門至十八重乃通巨舟

邕州鬱

水自蠻境七源州流出民常苦之景雲中司馬呂仁

引渠分流以殺水勢自是無沒溺之害

李渤傳桂

有灘水出海陽山世言秦命史祿伐粵

見嚴安傳鑿爲漕

通道嶠南

馬援討微側復治以通餽後江水潰毀渠遂廢

淺每轉餉役數十戶濟一艘渤醺浚舊道障泄有宜

舟楫利焉

國初漕臣邊詡嘉祐憲臣李師中乾道帥臣李浩皆修是渠紹熙甲寅十二月庚申

帥臣朱晞顏等重修

言廣西靈渠接全州大江其渠僅百餘里詔漕臣修

復以通漕運

漢傳嚴安書曰秦使尉屠睢攻越使監祿

鑿渠運糧深入越地淮南王安書曰秦使尉屠睢擊

越監祿鑿渠通道 漢武戈船之師出零陵下灘水

馬伏波餉南征之戍開鑿道順而渠之利益闢

唐紫溪渠 永樂渠

地理志杭州於潛南三十里有紫溪渠溉田貞元十八年令杜涿開又鑿渠三十里以通舟楫壽州安豐東北十里有永樂渠溉高原田廣德二年宰相元載置大曆十三年廢

唐敷水渠

地理志華州華陰西二十四里有敷水渠開元二年姜師度鑿以洩水害五年刺史樊忱復鑿之使通渭

漕

唐利俗渠 羅文渠

地理志華州鄭縣西南二十三里有利俗渠引喬谷水東南十五里有羅文渠引小敷谷水支分溉田皆開元四年詔陝州刺史姜師度疏故渠又立隄以捍水害虢州弘農南七里有渠貞觀元年令元伯武引水北流入城

唐三輔渠 鄭白渠

詳見下

會要開元九年正月李元紘擢京兆少尹詔令疏決三輔渠時王公權要之家治渠立磴以治水田元紘

一切毀之百姓大獲其利廣德二年李栖筠奏拆京

城北白渠上王公碾磴七千餘所大曆十三年正月

辛酉黎幹奏以鄭白支渠碾磴請皆毀廢從之大和

二年三月內出水車樣令京兆造水車散給汭鄭白

渠百姓以溉田

官志水部京畿有渠長斗門長

李元紘傳開元初

爲萬年令賦役稱平擢京兆少尹詔決三輔渠時王

公權家皆旁渠立磴潴遏爭利元紘敕吏盡毀之分

溉渠下田下賴其恩通典永徽六年雍州長史長

孫祥奏言曰鄭白渠溉田乃萬餘頃今爲富商大賈

競造碾磴渠流梗澁於是遣祥分檢渠上碾磴皆毀

之

唐光祿渠 靈鹽屯田

李聽傳爲靈州大都督府長史境內有光祿渠廢塞歲久欲起屯田以代轉輸聽復開決舊渠溉田千餘頃後賴其利

唐伊婁渠 埭

齊澣傳爲潤州刺史北距瓜步沙尾紆匯六十里舟多敗溺澣徙漕路由京口埭治伊婁渠以達揚子歲無覆舟減運錢數十萬又立伊婁埭官征其入招還流人五百戶 地理志潤州丹徒開元二十二年刺

史齊泚以州北隔江舟行繞瓜步回還六十里多風濤乃於京口埭下直趨渡江二十里開伊婁河二十五里渡揚子立埭歲利百億舟不漂溺 會要開元二十六年十一月五日齊泚奏請開伊婁河又立伊婁埭 渠通江湖見於遷書唐漕江淮撤開置堰濬化廢之至于紹聖使臣孝蘊易堰以開

唐漕渠 廣運潭

漢運渠

唐三門運

渠

食貨志

兼用韋堅傳

唐都關中號稱沃野土地狹所出不

足給京師常漕東南之粟高祖太宗用物有節易贍

漕運不過二十萬石高宗後歲益增多開元二十一

年裴耀卿請置東西倉以避三門水險謂之水陸運

浮渭以實關中開元二十九年李齊物鑿砥柱為門

以通漕

史記正義底柱山俗名三門山在
陝石縣東北五十里在河之中

然水益湍

悍舟不能入天寶三載韋堅為陝郡太守兼水陸運

使以代之始漢有運渠起闕

志作

門西抵長安通山

東租賦訖隋常治之堅為使乃占咸陽壅渭為堰絕

灞澇竝渭而東注永豐倉下復與渭合

永豐倉下在
渭水入黃河

處漢之船
司空也

初澇水銜苑左有望春樓堅于下鑿為酒

以通漕三年而成

志又於長樂
春樓下通舟

故灃苑牆鑿潭於望
春樓下連牆彌互數